

# KALAALLIT NUNAANNI INUUSUTTUT SULINERAT



Sullivinnik  
Nakkutilliisoqarfik

 +299 34 25 90

 [at@at.gl](mailto:at@at.gl)

# KALAALLIT NUNAANNI INUUSUTTUT SULINERAT

Sapaatit nalliuttullu. Inummik inuusuttumik 18-leereersimasumik suleqateqarunik, unnukkut nal. 20.00 tungaanut sulisinnaapput. Centerini angisuuni ullut tamaasa unnukkut nal. 20.00 tungaanut, tamaani nakkutilliisoqarpat.

Nalunaarummi pineqarpoq inuusuttunik 18-it inorlugit ukiulinnik sulisoqarneq. Assigiinngissuteqalaarpoq, apeqqutaalluni inuusuttuaraq meeqqat atuarfiani atuartitaasussaataa-nerminik suli ingerlataqarnerisq imaluunniit naamik. Inuusuttut atuartitaasussaataa-nerminik naammassinnereersimasut amerlasuut suli atuarlutilluunniit ilinniakkamik allamik ingerlatsipput, tamannalu sulisitsisup piffissanik suliffiususannik pilersaarusionermini eqqumaffigissavaa.

Sulisitsisup isumagissavaa, sulineq isumannaallisaanerup peqqinnissallu tungaatigut tamakkiisumik illersorneqarsinnaasumik ingerlanneqarnissaata sunniuteqarluartumik nakkutigineqarnissaa. Eqqarsaatigineqassapput inuusuttut misilittagaqariinnginnerat, immikkut ulorianartorsiorfusinnaasut pillugit ilisimasaqannginnerat suli inerilluarsimannginnerat. Inuusuttut peqqissusaannut ineriartornerannulluunniit sivikitsumik imaluunniit sivisuumik ajoqutigilersinnaasaannik nukkiortinneqassanngillat, aammalu pisariaqanngitsumik timikkut artorsartinneqartillu sulinerami naleqqutinngitsunik timikkut inissisimanatilluunniit aalaaseqartinnaveersarneqassapput

Sulisitsisup isumagissavaa inuusuttut sungiusarluarneqarlutillu iltisorsorluarneqartarnissaat. Iffiorfinni, kioskini, grillbarini, videonik niuerfinni, netcaféni, biilnut orsorsortarfinni assigisaannilu, aamma niuertarfinni avinngarusimasuni nalinginnaasumik angallaffiunngitsuni inuusuttut sulisorineqartassanngillat nal. 18.00-ip aamma nal. 06.00-ip akornanni ulluinnarni aamma arfininngornerni, sapaatini nalliuttunilu nal. 14.00-ip 6.00-illu akornanni.

Inuusuttut atuartuusussaannermi ilaangitsut nalinginnaasumik sulissanngillat piffissami nal. 20.00-06.00 akornanni, taamaattorli sannavinni iffiorfinnut atasuni, kiisalu

nunalerinerup iluani nersutaasivinni suliaqarnermi aamma aallaaniarnerni piniarnernilu inuusuttut nal. 4.00-miit sulilersinnaapput, aamma allaffinni, pisiniarfinni, sullisiveqarfinni assigisaannilu inuusuttut nal. 22.00 tikillugu sulisinnaapput. Neriniartarfinni, akunnittarfinni, grillbarini assigisaannilu inuusuttut nal. 24.00 tikillugu sulisinnaapput. Isiginnaartitsisarfinni, filmertarfinni, sirkusini, tusarnaartitsisarfinni assigisaattullu aliikkusersuisarfiusuni inuusuttut ikiuuttarsinnaapput nal. 24.00 tungaanut.

Inuusuttut ullormi unnuamilu minnerpaamik nal. akunnerini 12-ini ataannartumik qasuersaarfissaqartitaassapput, aamma piffissami ullut unnuallu arfineq marluk ingerlaneranni ulluni unnuanilu marlunni ataannartuni sulinngiffeqartitaassapput.

## ULLUT UNNUALLU SULINNGIFFEQARFISSAT TAAKKUA ARLAATA NALINGINNAASUMIK SAPAAT ILAGISASSAVAAT.

Piumasarineqassappat aamma inuusuttup ukiui, inerrissimassusia peqqissusialu, atuarnera ilinniarneralu eqqarsaatigalugit, illersorneqarsinnaassappat sapaatit akunneranoortumik ullut unnuallu sulinngiffeqarfissat kinguartinneqarsinnaapput kingusinnerusukkullu sulinerani, nunalerineri aallaaniarnermi piniarnermilu aamma napparsimmavinni assigisaattulluunniit suliffeqarfinni ingerlanneqartussani, taamatulli sulinngiffeqarnermik taarserneqarsinnaallutik.

Inuusuttut sulisitsisuni arlaliusuni suliaqassappata, piffissaq suliffissaq ataatsimut katigunneqassaaq. Ullormut piffissaq suliffissaq nal. akunnerinit 4-nit sivisunerussappat, inuusuttut minnerpaamik minutsini 30-ni unikkallarfeqartitaassapput. Unikkallarfissaq taanna naleqquttumik inissitaasassaaq ajornanngippallu ataannartitaasassaaq. Inuusuttunut 13-15-nik ukiulinnut suli meeqqat atuarfiani atuartuusussaasunut arlalinnik killilersuuteqarpoq.





Taakkumi ilinniagassatik atuarnertillu salliutillugu paarisariaqarpaat. Taamaattumik sulinissaat nalinginnaasumik inerteqqutaavoq, kisiannili suliassanik oqinnerusunik suliaqarsinnaapput.

Inuusuttuaqqat 13 aamma 14-nik ukiullit suliani taamaallaat oqitsuni suliaqarsinnaapput. Tamakku suusinnaaneri pillugit Kalaallit Nunaanni inuusuttut sulinerat pillugu nalunaarummut ilanngussami 7-mi allattorsimaffik nanisinnaavat [www.at.gl](http://www.at.gl)-mi, sulisitsisumi, kattuffimmi imaluunniit atuakkanik atorniartarfimmi. Inuusuttut suliffimmik misiliitillutik taamaallaat suliassanik allattorsimaffimmi allassimanngitsunik suliaqarsinnaapput.

Sulisitsisoq inuusuttunik 13-nik 14-inilluunniit ukiulinik imaluunniit meeqqat atuarkianni atuartuusussaati-taasumik sulisitsileruni, sulisitsisup angajoqqaat, angajoqqaatulluunniit akisussaasut oqaluttuutissavai, suliffissaq qanoq siviutigisoq, aamma suliamut atatillugu navialiffiusinnaasut napparsimalersitsisinaanersulluunniit suunerinik, aamma isumannaallisaanikkut peqqinnissallu tungaatigut sunik aalajangersagaqarnerisoq.

13-15-inik ukioqaraanni ulluni atuarkiussuni annerpaamik ullormut nal. akunnerini marlunni sulisoqarsinnaavoq aamma ulluni, atuarkiussaanngitsuni annerpaamik ullormut nal. ak. arfineq marlunni. Piffissaq sapaatit akunneranoortumik suliffissaq tamarmiisoq sapaatit akunnerini atuarkiussani nal. akunnerinit 12-init atuarkiussaanngitsunilu nal. akunnerinit 35-nit siviunerussanngilaq.

Inuusuttuaqqat suli meeqqat atuarkianni atuartuusussaati-taasut imaluunniit 13-it 15-illu akornanni ukiullit piffissami 20.00-06.00 akornani suleqqusaanngillat, aamma ullormi unnuamilu minnerpaamik nal. akunnerini 14-ini ataannartumik qasuersarfissaqartitaassapput, taamatullu sapaatit akunneri tamaasa ulluni unnuanilu marlunni ataannartumik sulinngiffeqarsinnaatitaassallutik. Ullut unnuallu sulinngiffeqarfissat taakku atasuinnaasannaanngippata arlaat nalinginnaasumik sapaammut pisisanngortitaassaaq.

15-nik ukioqaraanni ullormi atuarkiussami annerpaamik ullormut nal. akunnerini marlunni sulisoqarsinnaavoq, ullunili atuarkiussaanngitsuni annerpaamik ullormut nal. akunnerini 8-ni, sapaatit akunneranilu atuarkiussaanngitsumi annerpaamik nal. akunnerini 40-ni. Ullormut piffissaq suliffissaq nal. akunneri 8-ssappata ataannartuutitaassaaq. Ullup ingerlaneranut siammarneqarsimassanngilaq.

Inuusuttut, atuartuusussaasut, kisiannili inuusutissarsiutitigut ilinniartitaanermi imaluunniit sulineri peqataanikut atuartuusasaanermik naammassinninniarnissamut akuerineqarsimasut ullormut nal. akunnerini 8-ni sapaatillu akunneranut nal. akunnerini 40-ni sulisinnaapput.

## INUUSUTTUT ILINNIARNERMINNUT ATATILLUGU SULIPPATA, PIFFISSAQ ATUARTITAANERANNUT ATORNEQARTOQ ULLORMUT AAMMA SAPAATIP AKUNNERANUT PIFFISSATUT SULIFFIGISATUT ILANNGULLUGU NAATSORSUUNNEQASSAAQ.

Inuusuttut atuartuusussaasut aasaanerani atuannngiffegarnerup ingerlanerani sapinngisamik piffissamik sulinngiffissaqartinniarneqartassapput.

Imaassinnaavoq makkorpasuit paasiuminaalaarsinnaasut, kisianni eqqarsaatigilluaraanni tamarmik isumatusaarnerrupput. Nalunaarummi allassimasut imaassinnaavoq naluneganngereersut imaluunniit inatsisitigut aalajangersarneqareersimasuusut, taamaattorli tassa aatsaat nalunaarutikkut matumuuna allassimatinneqalerput.

Paasisaqarnerorusuppit? Nassaarisinnaavatit [www.at.gl](http://www.at.gl)-mi, sulisitsisumi, kattuffimmi imaluunniit atuakkanik atorniartarfimmi. Ajornnanngilaq.

